



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), Skupština Brčko distrikta Bosne i Hercegovine, na 41. redovnoj sjednici održanoj 13. februara 2019. godine, usvaja

ZAKON
O IZMJENI I DOPUNI ZAKONA O DJEČIJOJ ZAŠTITI BRČKO DISTRIKTA BOSNE I HERCEGOVINE

Član 1

U Zakonu o dječijoj zaštiti Brčko distrikta Bosne i Hercegovine - prečišćeni tekst (Službeni glasnik Brčko distrikta Bosne i Hercegovine, brojevi: 51/11, 3/15 i 21/18) u članu 2 stavu 1 riječi: „najmanje dvije godine od dana podnošenja zahtjeva“ zamjenjuju se riječima: **„najmanje dvije godine neprekidno do dana podnošenja zahtjeva“**.

Stav 2 mijenja se i glasi:

„(2) Stalno mjesto prebivališta dokazuje se uvjerenjem koje izdaje nadležni organ.“

Član 2

U članu 10 stavu 1 riječi: „koja se traži članom 2 stavom 2“ zamjenjuju se riječima: **„iz člana 2“**.

Iza stava 2 dodaje se novi stav 3 koji glasi:

„(3) Za ostvarivanje prava na materinski dodatak potrebno je da jedan od roditelja djeteta ispunjava uslove iz člana 2 ovog zakona.“

Član 3

Na zahtjeve za ostvarivanje materinskog dodatka podnesene nakon stupanja na snagu Zakona o izmjenama i dopuni Zakona o dječijoj zaštiti Brčko distrikta Bosne i Hercegovine (Službeni glasnik Brčko distrikta BiH, broj 21/18), primjenjivat će se odredbe ovog zakona.

Član 4

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-537/19

Brčko, 13. 2. 2019. godine

PREDSJEDNIK
SKUPŠTINE BRČKO DISTRIKTA BiH
Esed Kadrić